

C A I B. XX.

30 Agus chaidh Lot suas a Soar, agus ghabh e còmhnuidh 'san t-sliabh, agus a dhithis nighean maille ris; oir bha eagal air còmhnuidh ghabhail ann an Soar: agus ghabh e còmhnuidh ann an uaimh, e féin agus a dhithis nighean.

31 Agus thubhairt an té bu shine ris an té a b' òige, *Tha* ar n-athair sean, agus cha 'n 'eil fear air an talamh gu teachd a steach d'ar n-ionnsuidh a réir gnàtha^a na talmhainn uile.

32 Thig, thugamaid air ar n-athair fion òl, agus luidheamaid maille ris, chum as gu'n gléidh sinn sliochd^b o ar n-athair.

33 Agus thug iad air an athair fion òl air an oidhche sin: agus chaidh an té bu shine steach, agus luidh^c i maille r'a h-athair; agus cha do mhothaich e 'nuair a luidh i sìos, no 'nuair a dh'éirich i.

34 Agus air an la-màireach^d thubhairt an té bu shine ris an té a b'òige, Feuch, luidh mise 'n reidhr^e maille re m' athair; thugamaid air fion òl an nochd mar an ceudna, agus rachfa steach, agus luidh maille ris, chum as gu'n gléidh sinn sliochd o ar n-athair.

35 Agus thug iad air an athair fion òl air an oidhche sin mar an ceudna: agus dh'éirich an té b'òige, agus luidh i maille ris, agus cha do mhothaich e 'nuair a luidh i sìos, no 'nuair a dh'éirich i.

36 Mar fo bha dithis nighean Lot torrach aig an athair.

37 Agus rug an té bu shine

mac, agus thug i Moab mar ainm air: 's efan athair nam Moabach gus an là'n diugh.

38 Agus an té b'òige, rug ise mar an ceudna mac, agus thug i Ben-ammi mar ainm air: 's efan athair chloinn Ammoin gus an là'n diugh.

C A I B. XX.

AGUS dh'imich Abraham as sin do'n tìr mu dheas, agus ghabh e còmhnuidh eadar Cades agus Sur; agus bha e air chuairt ann an Gerar.

2 Agus thubhairt Abraham mu Sarah a bhean, 'Si mo phiuthar i: Agus chuir Abimelech righ Gherair *teachdaire uaithe*, agus ghabh e Sarah.

3 Agus thàinig Dia gu Abimelech ann an aising^f 'san oidhche, agus thubhairt e ris, Feuch, *is duine* marbh thu air son na mnà a ghabh thu; oir *is* bean duin' *eil'* i.

4 Ach cha d'thàinig Abimelech am fagus d'i^g, agus thubhairt e, A thighearna, am marbh thu mar an ceudna cinneach ionruic?

5 Nach d'thubhairt efan riumfa, 'Si mo phiuthar i? agus thubhairt ise, eadhon ise féin, 'Se mo bhràthair e: ann an treibhdhireas mo chridhe, agus ann an neo-chionta mo làmh rinn mi fo.

6 Agus thubhairt Dia ris ann an aising, Seadh, tha fios agam gur ann an treibhdhireas do chridhe a rinn thu fo, agus chum mise mar an ceudna thu o pheacachadh a'm' aghaidh: uime sin cha do leig mi leat beantainn ria.

^a cleachda, cor, modh. ^b stol. ^c laidh. ^d air a' mhàireach, ^e an reir, an raoir. ^f bruadar. ^g 'na còir.